

شرقی آذربایجان 260 میلیون دولاریق محصول، 52 اؤلکه‌یه صادیر ائله‌دی

شرقی آذربایجانین صنعت، معدن و تجارت سازمانین رئیسی بو ایلین اؤل دؤرد آییندا 52 اؤلکه‌یه 226 میلیون دولاریق محصولون صادیر اولماسیندان خبر وئردی.

شرقی آذربایجانین صنعت، معدن و تجارت سازمانین رئیسی بو ایلین اؤل دؤرد آییندا 52 اؤلکه‌یه 226 میلیون دولاریق محصولون صادیر اولماسیندان خبر وئردی. فارسین تبریزدن وئردیگی گوزارشه گؤره، شرقی آذربایجانین صنعت، معدن و تجارت سازمانین رئیسی محمدجعفر عظمایی تبریز فرمانداریسینده غیری نفت صادرات گروهونون جلسه‌سینده دئدی: بو ایلین ایلک دؤرد آییندا، 226 مین 741 تون محصول 260 میلیون و 332 مین و 146 دلار ارزیشینده اوستانین گومروک یولو ایله اؤلکه‌دن صادیر اولوب. او آرتیردی: بو رقم‌لر چکی باخیمیندان کنچن ایله گؤره بیر درصد و ارزیش باخیمیندان 32 درصد چوخالیب. هابئله بو ایلین ایلک دؤرد آییندا 175 مین و 8 تون جور به جور محصول 379 میلیون و 604 مین و 254 دلار ارزیشینده شرقی آذربایجان گومروکلری یولی‌این اؤلکه‌یه وارید اولوب. او آرتیردی: بو رقم‌لر کنچن ایله نیسبت چکی باخیمیندان 5 درصد و ارزیش باخیمیندان بیر درصد چوخالیب. بو ایلین ایلک دؤرد آییندا غیری نفت صادراتین مقصدی 52 اؤلکه و واریدات 36 اؤلکه‌دن اولوب. او بونو دئماغینان کی بو موئتده صادیر اولان محصوللارین یوزده 35 صنعتی محصوللار اولوب، دئدی: صادرات چوخالماسی‌نین لاپ چوخو آزاد آراز صنعتی منطقه‌سینه مربوطدیر. اؤلکه‌نین بوتون صادراتی‌نین آماری بو ایلین ایلک دؤرد آییندا 12 میلیون دولاردیر کی کنچن ایله نیسبت 24.2 درصد چوخالیب.